



勅提督內臣

正統十年三月十六日

皇帝勅諭尚膳監左監丞陳瑩昔我

皇曾祖太宗文皇帝創建大岳太和山宮觀虔

奉祀事實欲福佑我國家及天下蒼生於

無窮迨至

皇祖仁宗昭皇帝

皇考宣宗章皇帝臨御之日克紹

先志特將均州一千戶所軍餘雜泛征差及屯

田子粒盡行優免但遇宮觀有滲漏損壞之處隨即修理溝渠路道有淤塞不通之處隨即整治俾宮觀永遠堅固完美茲特命爾前去與原差禮部員外郎吳禮一同提督凡有未修殿宇房屋及衝塌橋梁路道就行修理已勅吳禮知之爾宜恪遵朕命恭勤趨事不許怠慢更不許在彼生事私役軍餘霄害下人以取罪愆其襄陽原撥官軍四百二員名俱放回操備故勅

景泰元年二月初一日

皇帝勅諭內官姜和昔我

皇曾祖太宗文皇帝創建大岳太和山宮觀虔奉祀事實欲福佑我國家及天下蒼生於無窮迨至

皇祖仁宗昭皇帝

皇考宣宗章皇帝臨御之日克紹

先志特將均州一千戶所軍餘雜泛差役及屯田子粒盡行優免但遇宮觀有滲漏損壞

之處隨即修理溝渠路道有淤塞不通之處隨即整治俾使宮觀永遠堅固完美茲特命爾前去與原差湖廣布政司右叅議李倜一同提督凡有滲漏損壞殿宇房屋及衝塌橋梁路道量加修理爾宜恪遵朕命恭勤趨事不許怠慢及在彼生事私行軍餘需索財物害下人以取罪愆其襄陽衛原撥修理官軍已放回操備者不許擅自起取故論

景泰五年二月初六日

皇帝勅諭奉御唐廣昔我

皇曾祖太宗文皇帝創建大岳太和山宮觀虔奉祀事實欲福佑我國家及天下蒼生於無窮迨至

皇祖仁宗昭皇帝

皇考宣宗章皇帝臨御之日篤念

先志特將均州一千戶所軍餘雜泛差役及屯田子粒盡行優免但遇宮觀有滲漏損壞

之處隨即修理溝渠路道有淤塞不通之處隨即整治俾宮觀永遠堅固完美茲特命爾前去與今差湖廣布政司官一同提督凡有滲漏損壞殿宇房屋及衝塌橋梁道路量加修理爾宜恪遵朕命公勤趨事不許怠慢及在彼生事私役軍餘需索財物災害下人以取罪愆爾其欽哉故諭

成化元年九月十七日

皇帝勅諭奉御韋貴昔我

皇高祖太宗文皇帝創建大岳太和山宮觀虔奉祀事實欲福佑我國家及天下蒼生於無窮迨至

皇魯祖仁宗昭皇帝

皇祖宣宗章皇帝

皇考英宗睿皇帝臨御之日克紹

先志特將均州一千戶所軍餘雜泛差役及屯

田子粒盡行優免專一供應宮觀灑掃修

理之役今特命爾與湖廣布政司右叅議

王豫率同玉虛宮提點均州千戶所千戶  
提督軍餘時常灑掃潔淨但遇宮觀殿宇  
有所滲漏損壞及橋梁道路有所坍塌淤  
塞即便修理完整務為永遠香火之奉爾  
宜恪遵朕命公勤趨事不許怠慢如勅奉  
行故諭

成化八年八月初八日

皇帝勅諭內官監左監丞韋貴

皇高祖太宗文皇帝創建大岳太和山宮觀虔

奉祀事實欲福佑我國家及天下蒼生於  
無窮迨至

皇曾祖仁宗昭皇帝

皇祖宣宗章皇帝

皇考英宗睿皇帝臨御之日克紹

先志特將均州一千戶所軍餘雜泛差役及屯  
田子粒盡行優免專一供應宮觀灑掃修  
理之役今仍命爾與湖廣布政司右叅議  
王豫率同玉虛宮提點均州千戶所千戶

提督軍餘時常灑掃潔淨但遇宮觀殿宇  
有所滲漏損壞及橋梁道路有所坍塌淤  
塞即便修理完整務爲永遠香火之奉無  
事之日仍提督正伍官軍操守城池防禦  
賊盜或本處并隣近府縣草寇生發本所  
官軍相應調用聽鎮守總兵等官與爾等  
計議斟酌施行其餘一應征差并運糧屯  
田等項一體優免爾宜恪遵朕命公勤趨  
事不許怠慢廢弛自取罪愆爾其勉之慎

之故諭

成化十二年四月初二日

皇帝勅諭右少監韋貴近該湖廣鎮守等官奏  
稱荆襄二府山深地廣先因流民肅聚爲  
惡百端雖經調兵祛遣然亦有去而復來  
者誠恐日漸衆多難於撫治等因今特命  
爾不妨原管事務兼分守荆襄二府所屬  
州縣并衛所各該山場哨堡巡司兼管附  
近浙川內鄉二縣常川操練官軍民壯修

理城堡器械撫治流民緝捕盜賊凡合行  
事宜并久安長策俱照節次禁約事例會  
同各該守備都指揮并布按二司撫民官  
員從長計議斟酌停當而行有應與鎮守  
等官計議者亦須公同計議應奏請者具  
奏定奪務俾事安人安盜賊屏息地方保  
無他虞庶副委任之重爾其欽承毋怠故

諭

成化十五年正月十七日

皇帝勅諭太監韋貴該爾奏稱原管襄陽府鄖  
縣今已添設湖廣行都司與鄖陽府衛在  
彼統轄管理軍民原奉勅內不曾開有前  
項衙門以致地方一應之事往往掣肘難  
行等因今特命爾不妨原管事務兼分守  
湖廣行都司并荊州襄陽鄖陽三府所屬  
州縣并衛所及河南附近浙川內鄉二縣  
各該山場哨堡巡司督令常川操練官軍  
民壯修理城堡器械撫恤軍民禁防流逋



緝捕盜賊保障地方凡合行事宜須會同  
巡按御史俱照節次禁約事例督同各該  
守備都指揮并布按二司撫民官員從長  
計議斟酌停當而行不許互相矛盾有乖  
事體貽患地方其有應與各該鎮守巡撫  
等官計議者亦須共同計議具奏定奪爾  
爲朝廷內臣受茲委託尤須持廉秉公輸  
忠殫慮務必事安盜賊屏息地方寧  
靖保無他虞斯爲爾能爾其欽承毋怠故

論

成化十五年五月二十一日

皇帝勅諭太監韋貴先該爾奏原奉勅內不  
曾開有添設添管衙門事多掣肘難行已命  
爾不妨原管事務兼分守湖廣行都司并  
荊州襄陽鄖陽三府所屬州縣并衛所及  
河南附近浙川內鄉二縣各該山場哨堡  
巡司常川督令操練官軍民壯修理城堡  
器械撫恤軍民禁防流逋緝捕盜賊保障

地方外今陞巡按御史吳道宏大理寺右少卿仍在彼專一提督撫治軍民凡爾應行事宜須公同俱照節次禁約事例督同各該守備都指揮并布按二司撫民官員從長計議斟酌停當而行不許互相矛盾有乖事體倘有草寇竊發即便公同吳道宏量調所屬官軍民快作急撲滅無令滋蔓貽患地方其有應與各該鎮守巡撫等官計議者亦須公同計議應奏請者具奏

定奪爾爲朝廷內臣受茲委託尤須持廉秉公輸忠殫慮務俾事安盜賊屏息地方寧靖保無他虞斯爲爾能爾其欽承毋怠故諭

成化十六年五月初七日

皇帝勅諭內官監太監韋貴邇者新設湖廣行都司荊州襄陽鄖陽三府所屬州縣并衛所及河南南陽府之浙川內鄉縣陝西漢中府之白河縣西安府之商州及洛南商

南山陽縣與鄖陽接界者四十餘處先年  
流民編入版籍者嘗令加意撫禁但恐又  
有潛來趨食者難保不復嘯聚爲患今特  
命爾不妨原管事務兼分守前項地方與  
大理寺右少卿吳道宏用心協力悉照節  
次禁約事例斟酌隨宜而行常川督令三  
司分守撫民等官嚴督所在軍衛有司及  
各該山場巡司操練官軍民壯修理城池  
撫恤軍民禁防流逋緝捕盜賊保障地方

倘有草寇竊發即便公同吳道宏量調所  
屬官軍民快作急撲滅無令滋蔓若有應  
與各該連界鎮守總兵巡撫等官計議者  
亦須從長計議而行應奏請者具奏定奪  
不許偏執已見互相矛盾致壞地方爾爲  
朝廷內臣受茲委託尤須持廉秉公輸忠  
殫慮務俾事安人安盜賊屏息地方寧靖  
保無他虞斯爲爾能爾其欽承毋怠故諭  
成化十八年五月十八日

皇帝勅諭太監韋貴先已命爾不妨原管事務  
兼分守湖廣行都司并荊州襄陽鄖陽三  
府所屬州縣并衛所及附近浙川內鄉商  
州洛南商南山陽白河各該州縣山場哨  
堡巡司常川督令操練官軍民壯修理城  
堡器械撫恤軍民禁防流逋緝捕盜賊保  
障地方外今命都察院右僉都御史王濬  
前去提督撫治軍民凡爾應行事宜須公  
同俱照節次禁約事例督同各該守備都

指揮并布按二司撫民官員從長計議斟  
酌停當而行不許互相矛盾有乖事體倘  
有草寇竊發即與濬量調所屬官軍民快  
督同各該分巡兵備及軍衛有司作急撲  
滅無令滋蔓若各官事有干涉仍前不報  
者聽爾與濬指實叅奏其有應與各鎮守  
巡撫等官計議者亦須公同計議應奏請  
者具奏定奪爾爲朝廷內臣受茲委託尤  
須持廉秉公輸忠殫慮務俾事受人安盜

賊屏息地方寧靖保無他虞斯爲爾能爾其欽承毋怠故諭

成化三十年八月三十日

勅分守湖廣行都司等處太監韋貴提督撫治  
鄖陽等處地方右僉都御史王濬今歲因  
北直隸山西陝西河南等處天時亢旱二  
麥無收民食不足盜賊必生又慮荆襄二  
府流民去彼嘯聚爲非已令兵部移文爾  
等并各鎮守巡撫等官一體撫安禁捕發

糧賑濟但今月又各處累報災傷人民流  
移甚於往昔若不申嚴隄備恐爾等視常  
怠忽一旦有警貽患非細勅至爾等即查  
勘各處逃去軍民設法安撫賑恤倘流逋  
嘯聚嚴督守備巡捕等官即時撲捕毋致  
延蔓其調軍捕盜積糧賑饑并更才育民  
停止徵需等項允可以安靖地方之事應  
便宜者便宜處置應奏請者奏來定奪爾  
等俱受朝廷重寄務要盡心籌畫防患未

然不許因循悞事其慎之哉慎之哉故勅  
成化二十年十月初四日

皇帝勅諭內官監太監韋貴今命尚衣監太監  
潘記前去與爾一同管事惟我

皇高祖太宗文皇帝創建大岳太和山宮觀虔  
奉祀事實欲福佑國家及天下蒼生於無  
窮迨至

皇曾祖仁宗昭皇帝

皇祖宣宗章皇帝

皇考英宗睿皇帝臨御之日克紹

先志特將均州一千戶所軍餘雜泛差役及屯

田子粒盡行優免專一供應宮觀灑掃修

理之後今仍命爾等與湖廣布政司右叅

議李謙率同玉虛宮提點均州千戶所千

戶提督軍餘時常灑掃潔淨但遇宮觀殿

宇滲漏損壞及橋梁道路坍塌淤塞即便

修理完整務爲永遠香火之奉爾等宜恪

遵朕命公勤趨事不許怠慢及在彼生事

擾人以取罪愆爾等如勅奉行故諭

成化二十一年八月二十三日

勅分守湖廣行都司等處太監韋貴今命都察院右副都御史劉璋前去與爾一同提督撫治鄖陽等處地方凡爾應行事宜須與公同計議停當而行不許偏執違拗有乖事體特諭爾知之故勅

弘治元年八月十七日

皇帝勅諭分守湖廣行都司等處太監韋貴撫

治鄖陽等處右副都御史鄭時

朕惟爲治之道莫切於養軍恤民民惟邦本而軍所以衛民也軍民安則天下安矣仰惟

祖宗垂統百廿餘年天下承平日久法度漸以廢弛人情狃于宴安政事愈加玩愒朕膺代

天理物之責夙夜是思不遑寧處夫革故斯可昇新更化然後善治蓋嘗廣納羣言簡黜

兩京廷臣不職者用警有位又因

上天示異特加戒飭令各勉修職務以期績效  
於方來尚慮爾分守撫治官及行都司府  
州縣衛所牧民御衆之職處於䟽遠循習  
故常罔克振作且今軍民困敝非止一端  
民苦於徵科貧者終歲勤動妻子凍餒富  
者勸貸頻仍家室空虛一遇水旱災傷不  
免轉徙流離死亡枕籍民困若斯於是而  
又驅迫之侵漁之嚴刑重罰巧取橫斂以

傷殘之則司民牧者其罪何逃軍缺於行  
伍或因衣裝不辦家計負累或見號令不  
嚴豪猾肆志或又器械不精操習無法一  
遇有警全無可用於此而不簡練之整飭  
之徒費糧賞有名無實而但私役私斂以  
剝削之則典軍旅者其罪何追此其大畧  
耳其他田野荒蕪刑獄枉濫盜賊生發食  
廩不克百孔千瘡難以悉數勅至爾等其  
各洗心滌慮深念



祖宗創制建官之意體朕愛養軍民作興圖治之心務各勉樹事功興舉利益修整廢墜疏剔宿弊敷布恩澤使一方民得安生樂業共享太平之治軍皆勇於敵愾潛消未萌之患無負朕委托而旌擢之典亦不爾吝如或不然國有常憲決不爾私爾等其欽承之故諭

弘治元年十月二十八日

勅分守湖廣行都司太監韋貴撫治鄖陽等處

左副都御史鄭時今歲嘗因天戒勅爾等各加修省興舉利益敷布恩澤使民得安於生業軍皆勇於敵愾未知爾等能體朕意不負委任否茲又聞爾湖廣行都司鄖陽等處秋冬之間旱傷無收人民缺食四散流移父子夫婦多不相保甚至強橫之徒百十成羣嘯聚山澤流劫鄉村府州縣官懼罪多不申報分巡分守官偷安不常巡守三司掌印官恬不經意巡撫巡按官

亦多徇情姑容似此怠玩若至來春青黃不接人不聊生之際地方盜賊之患安能保其不昌熾乎已令戶兵二部議擬合行事宜如弛山澤之禁寬租賦之徵清軍止解債負停追除免課稅運送銀兩謹武備之修嚴巡捕之令等項及准爾等所奏救荒事件通行訖茲特降勅爾等務各以地方爲重照依該部所擬日夜盡心撫安流亡操練軍馬多方賑濟以救民命但有強

梗孺聚之徒即時撲滅毋令滋蔓凡有利於民事或部擬未盡者聽爾等便宜處置爾等俱受朝廷委托享有祿位當思一方安危所繫體朕愛養元元之心務俾軍民安妥地方寧靖斯爲無負勿謂朕新即位政事從寬可圖幸免萬一地方有事失悞祖宗憲典具在決不輕宥爾等其欽承之故勅  
弘治二年三月十七日

勅分守湖廣行都司太監韋貴提督撫治鄖陽

左副都御史鄭時近者四川湖廣人民饑  
荒而四川尤甚扶老携幼四散流移凡附  
近山林湖泊去處皆能聚集以爲苟圖趨  
食之所然聚集既久困苦無聊或因而劫  
掠致生他變爾等地方爲重不可不慮勅  
至宜各用心整飭兵馬嚴謹隄備督令分  
巡分守并軍衛有司官撫恤賑濟常加省  
諭毋令非爲或有強梗嘯聚之徒倡亂扇  
變事起倉卒即便相機撲滅勿令滋蔓以

貽患害如或視爲泛常因循悞事必罪不  
宥爾等其慎之慎之故勅

弘治四年五月初三日

皇帝勅諭分守湖廣行都司等處太監韋貴撫  
治鄖陽等處右副都御史王道并巡按監  
察御史分巡分守官

朕惟刑獄重事自古帝王必致謹於斯蓋以  
刑得其平則足以輔治弼教而召

天地之和刑失其平則寬抑無伸感災致沴亦

有所不免焉朕爲民主仰體

上天好生之心每於刑獄特加慎重茲當五年  
審錄之期慮恐天下愚民罹於法者多有  
冤抑不無致傷和氣特命爾等將見監問  
罪囚公同審錄其在城內者爾貴爾道即  
會同巡按監察御史分巡分守官從公審  
錄在外者御史同分巡分守官親詣各處  
逐一審錄死罪情真罪當應決者照例監  
候聽決其有情可矜罪可疑事無證佐可

結正者一一具奏處置徒流以下便減等  
發落答罪的都放了毋令淹滯審問之際  
尤須詳察言詞旁詢知證而斷之以理毋  
惑於浮言毋拘於成案毋偏信原問及原  
保結官吏飾非沮撓務得實情以全民情  
以全民命其故失入等罪俱不追究敢有  
偏執違拗者聽爾等并巡按等官各照所  
審指實叅奏爾等受茲委任務持廉秉公  
明以決之恕以行之俾無冤抑斯稱朕好

生之意庶幾

天心昭格和氣致祥有可期焉如或詢察不明處決失當有負任使則爾等之罪欽哉故諭

弘治八年九月二十五日

勅分守湖廣行都司太監潘記撫治鄖陽等處右副都御史沈暉并巡按監察御史分巡分守官近該禮部并言官列奏畿甸邊關及各布政司地方奏報災傷或地震有聲

或雨雹殺人或盛夏嚴霜殺穀變異疊見而湖廣尤甚至菜發異花樹生異實皆世所不常見之災恐致人所不能測之變欲君臣上下交修以回

天意等因朕覽奏做懼已反躬自省及諭兩京文武羣臣各令修省勉盡職務爾等受命鎮守巡撫巡按及有司官守一方凡境內錢穀甲兵工役獄訟等項及軍民利病皆所職掌一事不得其平一民不得其所足

以致災而召變况於事情之積弊人心之  
久憤有抑遏而不能上達者乎勅至爾等  
其洗心滌慮痛加修省各將境內前項政  
務及軍民利病一一訪察何者爲利之所  
當興何者爲害之所當革在爾等職分所  
得行而未行者即速爲舉行毋仍因循怠  
玩其或有礙於事例沮於勢要所當奏請  
者俱要明白一一奏來俟報下行之期蓋  
己往之愆以消未形之變庶人心可悅而

天意可回若乃拘成案泥陳迹及徒事虛文而  
不務實行後或變形事起地方不寧則瘵  
曠之責必有所歸爾等其欽承朕命毋忽  
故勅

弘治十年四月二十七日

皇帝勅諭內官監太監李祺今命爾提督大岳  
太和山宮觀虔奉祀事爾與湖廣布政司  
右叅議陳睿率同玉虛宮提點均州千戶  
所千戶督令軍餘時常灑掃潔淨但遇宮

觀殿宇損壞及橋梁路道坍塌淤塞即便  
修理完整無事之日操練正伍官軍守備  
城池防禦賊盜或草寇生發本所官軍相  
應調用公同計議施行其餘征差并運糧  
屯田等項一體優免爾仍不妨本務兼分  
守湖廣行都司并荊州襄陽鄖陽三處府  
州縣衛所及附近浙川內鄉商州洛南山  
陽白河各處山場哨堡巡司督令操練官  
軍民壯修理城堡器械禁防流逋緝捕盜

賊保障地方合行事宜俱與撫治都御史  
督同各該守備兵備撫民分巡等官從長  
計議而行不許互相矛盾有乖事體倘有  
寇盜竊發量調所屬官軍民快作急撲滅  
毋令滋蔓若各官事有干涉仍前不報者  
聽爾等指實叅奏其有應與各鎮守巡撫  
等官計議者亦須公同計議應奏請者具  
奏定奪爾爲內臣受茲委託尤須持廉秉  
公輸忠殫力務俾祀事嚴肅地方寧靜不

許纖毫怠忽如違責有所歸爾其敬之慎  
之故諭

弘治十七年閏四月初七日内官監太監  
齊玄

弘治十八年十一月二十六日印綬監太  
監韋興

正德二年六月二十日内官監太監龔輦  
印綬監太監韋興

正德五年九月初七日御用監太監周景

以上俱同弘治十年内官監太監李祺

勅

正德六年十二月二十九日

勅分守湖廣行都司太監周景撫治鄖陽都御  
史劉琬近因山東直隸等處盜賊流入河  
南地方已命官統兵前去剿殺該部議恐  
此賊奔逸而南依據險隘卒難殄滅特勅  
爾等選調官軍於兩省交界要害去處嚴  
加把截相機防禦毋得彼此推託致悞事



機如有縱賊經過地方各該官員定以軍法處治必不輕貸仍要不妨本處地方事務計慮周悉處置停當不許顧此失彼如勅奉行故勅

正德七年二月十九日

勅分守湖廣行都司等處太監周景巡撫鄖陽等處都御史李士實撫治鄖陽等處都御史劉琬先因命將出兵前去河南剿殺流賊已勅爾等選調官軍於兩省交界要害

去處把截防禦近該兵部議奏前項賊徒被我官軍殺敗或將奔往湖廣地方特申諭爾等但遇流賊奔逸不分是何境界流來俱要督率漢土官軍民快并招募義勇嚴謹防截分投剿殺務令根株盡絕以收全功如或視為虛文防守不嚴追剿不力致貽後患國典具存必不輕貸爾其欽承之故勅

正德七年五月十五日

勅分守湖廣行都司等處地方御用監太監周景先因逆賊劉三等流劫河南地方勢甚猖獗命爾等調發永順兩江口等處土兵防遏會剿今得爾奏知賊至汝寧及朱臯鎮土兵與之力戰三次斬獲首級八十一顆生擒并奪回男婦七十名口渡河溺死及滾馬解散者各二千有餘俘獲馬騾一百六十二匹其溺死者亦三千餘匹賊勢已覺摧殘是雖三司等官及諸將士用命

協謀所致而爾督發軍兵經理餽運志在滅賊勞亦可嘉除部下功次已令紀功官查勘定奪茲特賜勅獎勵以旌爾勞但賊首尚未盡擒須督率官軍務期日下剿滅以收全功爾其勉之故勅

正德七年閏五月二十九日

勅提督大岳太和山兼分守湖廣行都司等處地方御用監太監周景得爾與撫治都御史劉琬奏四月二十五日以來流賊自羅

田麻城敗散之後移營應山漢土官軍從  
隨州分哨追至廣水店等處屢挫其鋒擒  
斬共二百二十六名顆其溺水墜崖而死  
與奪獲馬騾器械數多軍威大振賊勢益  
衰續於南召縣等處擒獲首惡劉三等渠  
魁既殲餘黨幾盡皆爾等調度有方威令  
嚴肅所屬守巡等官協謀用命乃有此捷  
奏至朕心喜悅除有功官軍人等行令紀  
功官分別等第待勘報至日照例陞賞茲

特降勅獎勵以旌爾勞爾宜獎率吏士殄  
除殘孽以收全功仍禁約土兵毋得擾害  
良民重貽地方之患爾其勉之故勅

正德七年十一月十六日御馬監太監劉  
祥

正德八年十一月二十六日內官監太監  
呂憲御馬監太監劉祥

正德九年七月二十九日御馬監太監梁  
英

正德九年十月十八日内官監太監呂憲  
御馬監太監梁英

正德十三年三月二十八日内官監太監  
呂憲御馬監太監潘真

正德十三年五月二十九日御馬監太監  
梁英內官監太監呂憲御馬監太監潘真

正德十六年八月十三日御馬監太監潘  
真尚衣監太監趙榮

嘉靖三年七月二十八日尚衣監太監趙

榮

嘉靖五年三月初八日内官監太監李璿

嘉靖八年六月十二日内官監左少監王

敏

嘉靖十二年二月二十八日司設監右少

監李學

以上俱同弘治十年四月太監李祺

勅

嘉靖十八年七月十九日

皇帝勅諭內官監右監丞王佐今命爾提督大  
岳太和山宮觀虔奉祀事爾與湖廣布政  
司該管官員督同玉虛宮提點均州千戶  
所千戶率令軍餘時常灑掃潔淨但遇宮  
觀殿宇損壞及橋梁道路坍塌淤塞即便  
修理完整務在廟貌森嚴道衆修潔如有  
污穢褻瀆不守規戒者聽爾選擇黜汰務  
令潔淨以奉神明無事之日操練正伍官  
軍守備城池防禦賊盜或草寇生發本所

官軍相應調用公同計議施行其餘征差  
并運糧屯田等項一體優免爾仍不妨本  
務兼分守湖廣行都司并荊州襄陽鄖陽  
三處府州縣衛所及附近浙川內鄉商州  
洛南山陽白河各處山場哨堡巡司督令  
操練官軍民快修理城堡器械禁防流逋  
緝捕盜賊保障地方合行事宜俱與撫治  
鄖陽都御史督同各該守備兵備撫民分  
巡等官從長計議而行不許互相矛盾有

乖事體倘有寇盜竊發量調官軍民快作  
急撲滅毋致滋蔓若各官事有干涉仍前  
不報者聽爾指實叅奏其有應與各鎮守  
巡撫等官計議者亦須公同計議應奏請  
者具奏定奪爾爲內臣受茲委託尤須持  
廉秉公輸忠殫力務俾祀事嚴肅地方寧  
靖不許纖毫怠忽如違責有所歸爾其敬  
之慎之故諭

嘉靖二十一年二月初一日

皇帝勅諭內官監左少監王佐今命爾提督大  
岳太和山宮觀虔奉祀事爾與湖廣布政  
司該管官員督同玉虛宮提點均州千戶  
所千戶率令軍餘時常灑掃潔淨但遇宮  
觀殿宇損壞及橋梁道路坍塌淤塞即便  
修理完整務在廟貌森嚴道衆修潔如有  
污穢褻瀆不守規戒者聽爾選擇黜汰務  
令潔淨以奉神明無事之日操練正伍官  
軍守備城池防禦賊盜或草寇生發本所

官軍相應調用公同計議施行其餘征差并運糧屯田等項一體優免爾仍不妨本務兼分守湖廣行都司并荊州襄陽鄖陽三處府州縣衛所及附近浙川內鄉商州洛南商南山陽白河各處山場哨堡巡司督令操練官軍民快修理城堡器械禁防流通緝捕盜賊保障地方合行事宜俱與撫治都御史督同各該守備兵備撫民分巡等官從長計議而行不許互相矛盾有

乖事體倘有寇盜竊發量調官軍民快作急撲滅毋致滋蔓若各官事有干涉仍前不報者聽爾指實叅奏其有應與各鎮守巡撫等官計議者亦須公同計議應奏請者具奏定奪爾為內臣受茲委託尤須持燾秉公輸忠殫力務俾祀事嚴肅地方寧靖不許纖毫怠忽如違責有所歸爾其敬之慎之故諭

嘉靖二十三年五月二十日

皇帝勅諭內官監太監王佐今命爾提督大岳  
太和山宮觀虔奉祀事爾與湖廣布政司  
該管官員督同玉虛宮提點均州千戶所  
千戶率令軍餘時常灑掃潔淨但遇宮觀  
殿宇損壞及橋梁道路坍塌淤塞即便修  
理完整務在廟貌森嚴道衆修潔如有污  
穢褻瀆不守規戒者聽爾選擇黜汰務令  
潔淨以奉神明無事之日操練正伍官軍  
守備城池防禦賊盜或草寇生發本所官

軍相應調用公同計議施行其餘征差并  
運糧屯田等項一體優免爾仍不妨本務  
兼分守湖廣行都司并荊州襄陽鄖陽三  
處府州縣衛所及附近浙川內鄉商州洛  
南商南山陽白河各處山場哨堡巡司督  
令操練官軍民快修理城堡器械禁防流  
逋緝捕賊盜保障地方合行事宜俱與撫  
治都御史督同各該守備兵備撫民分巡  
等官從長計議而行不許互相矛盾有乖



事體倘有寇盜竊發量調官軍民快作急撲滅毋致滋蔓若各官事有干涉仍前不報者聽爾指實叅奏其有應與各鎮守巡撫等官計議者亦須公同計議應奏請者具奏定奪爾爲內臣受茲委託尤須持廉秉公輸忠殫力務俾祀事嚴肅地方寧靖不許纖毫怠忽如違責有所歸爾其敬之慎之故諭

嘉靖三十六年三月十五日

皇帝勅諭內官監太監呂祥今命爾提督大岳太和山宮觀虔奉祀事爾與湖廣布政司該管官員督同玉虛宮提點均州千戶所千戶率令軍餘時常灑掃潔淨但遇宮觀殿宇損壞及橋梁道路坍塌淤塞即便修理完整務在廟貌森嚴道衆修潔如有污穢褻瀆不守規戒者聽爾選擇黜汰務令潔淨以奉神明無事之日操練正伍官軍守備城池防禦賊盜或草寇生發本所官

軍相應調用公同計議施行其餘征差并  
運糧屯田等項一體優免爾仍不妨本務  
無分守湖廣行都司并荊州襄陽鄖陽三  
處府州縣衛所及附近浙川內鄉商州洛  
南商南山陽白河各處山場哨堡巡司督  
令操練官軍民快修理城堡器械禁防流  
逋緝捕賊盜保障地方合行事宜俱與撫  
治都御史督同各該守備兵備撫民分巡  
等官從長計議而行不許互相矛盾有乖

事體倘有寇盜竊發量調官軍民快作急  
撲滅毋致滋蔓若各官事有干涉仍前不  
報者聽爾指實參奏其有應與各鎮守巡  
撫等官計議者亦須公同計議應奏請者  
具奏定奪爾爲內臣受茲委託尤須持廉  
秉公輸忠殫力務俾祀事嚴肅地方寧靖  
不許纖毫怠忽如違責有所歸爾其敬之  
慎之故諭

隆慶元年十月二十六日

皇帝勅諭內官監太監柳朝今命爾提督大岳  
太和山宮觀照舊於均州住劄與湖廣布  
政司該管官員率同玉虛宮提點均州千  
戶所千戶提督該所軍餘時常灑掃潔淨  
但遇宮觀殿宇損壞及橋梁道路坍塌淤  
塞即便修理完整務在廟貌森嚴道衆修  
潔如有污穢褻慢不守規戒者聽爾選擇  
黜汰以虔奉祀事所用軍餘查例優免二  
季時鮮照舊進貢本山香錢會同布政司

該管官選委員後收支其餘地方事務不  
得干預爾受茲委用宜以敬謹事神安靜  
率下用仰體朝廷簡任之意爾其欽哉故  
諭

大邑太和山誌卷之三終

